

**Prvi pojedinačni ugovor  
o pružanju usluga servisiranja i održavanja šestosjedne žičare**

**I UGOVORNE STRANE**

**KJP ZOI'84 OCS d.o.o. Sarajevo**

Sjedište: Alipašina bb, 71000 Sarajevo  
Koga zastupa direktor prof. Kenan Magoda  
Identifikacijski broj: 4200347000004  
(u daljem tekstu: Naručilac)

I

**Strucon d.o.o. Sarajevo**

Sjedište: Avde Jabučice br.48, 71000 Sarajevo  
Koga zastupa direktor Erol Sarvan  
Identifikacijski broj:4201938750009  
Porezni identifikacijski broj:201938750009  
Transakcijski broj banke, ime i sjedište banke: 1990490058879241, Sparkasse Bank (u daljem tekstu: Izvršilac)

**II PREDMET UGOVORA**

**Član 1.**

Predmet ovog Ugovora je pružanje usluga godišnjeg pregleda šestosjedne žičare na osnovu Okvirnog sporazuma broj: 1788/19 od 21.06.2019. godine i Ponude Izvršioca broj 32-06/2019 od 10.06.2019 godine, koji su u prilogu ovog Ugovora i čine njegov sastavni dio.

**III OBAVEZE IZVRŠIOCA**

**Član 2.**

Izvršilac se posebno obavezuje da :

- a) će predmetne usluge izvršiti u roku 5 radnih dana od dana podnesenog zahtjeva od staren Naručioca;
- b) za svaku intervenciju pismeno obavijestiti Naručioca o cijeni rezervnog dijela (koji moraju odgovarati standardima proizvođača opreme koji je predmet rada) i količini potrebnih sati za uslugu servisiranja;
- c) ukoliko je Izvršilac pogrešno izvršio uslugu dužan je grešku odmah i bez naknade otkloniti;
- d) otvori radni nalog za uslugu koji će da sadrži: opis servisne usluge, podatke o opremi, količinu ugrađenih dijelova, pojedinačne cijene dijelova i ukupnu cijenu za izvršeni servis vrijeme i datum početka i završetka usluge servisa. Ovaj radni nalog će biti sastavni dio svakog računa. Radni nalog mora biti potpisan punim imenom i prezimenom od strane predstavnika Naručioca;
- e) vodi posebnu evidenciju u knjizi grešaka, u takvom obimu, da je moguće imati cjelovit pregled nad radom opreme koja je predmet održavanja. U knjigu, koja se nalazi kod Naručioca upisuju se sve intervencije na opremi, kao i utrošeni materijal;
- f) se pridržava cijene usluge i dijelova ponuđenih po ponudi, kao i normativa za zamjenu dijelova propisanih od strane proizvođača opreme;

- g) za ugrađene dijelove da garanciju u skladu sa propisima proizvođača, a na izvršene usluge 12 mjeseca od dana izvršenja iste;
- h) prilikom ugradnje koristi nove i nekorištene dijelove kompatibilne sa opremom u koje se ugrađuju, koji obezbjeđuju sigurno i optimalno korištenje opreme i koji su preporučeni od strane proizvođača opreme;
- i) vrši ovjeru izvršenog servisa kao i upis slijedećeg termina za servis u servisnim knjižicama;
- j) će opremu ugovornog organa uzimati u rad kao prioritarnu ;
- k) će rezervne dijelove fakturisati po cijenama datim na elektronskom mediju (CD) uz ponudu. U slučaju promjene cijene rezervnoga dijela u odnosu na dostavljenu cijenu na CD-u, ponuđač je dužan dostaviti potvrdu proizvođača o promjeni cijene. U suprotnom, ugovorni organ nije dužan platiti uvećanu cijenu, već cijenu koja je dostavljena na CD-u;
- l) nakon izvršenih usluga obavezno dostavi Test protokole potpisane od strane certificiranog servisera za predmetne žičare;
- m) ispostaviti izvještaj o izvršenom redovnom održavanju uz prijedlog o potrebi reaktivnog održavanja.

### Član 3.

Za koordinaciju operativnih aktivnosti na realizaciji ovog Ugovora, na način i u ugovorenim rokovima, imenuju se:

- za Naručioca: Adis Mušinović,
- za Izvršioca: Erol Sarvan.

## IV CIJENA I NAČIN PLAĆANJA

### Član 4.

(1) Ugovor se zaključuje sa procijenjenom vrijednosti, u iznosu do **70.000,00 KM** (Slovima: sedamdesethiljada i 00/100 konvertibilnih maraka) bez uključenog PDV-a, odnosno do **81.900,00 KM** (Slovima: osamdesetjednuhiljadudevetstotina i 00/100 konvertibilnih maraka) sa uključenim PDV-om.

(2) Usluge iz člana 1. ovog Ugovora će se plaćati prema utvrđenim pojedinačnim cijenama iz Ponude broj 32-06/2019 od 10.06.2019 godine, koje se neće mijenjati tokom ugovornog perioda.

(3) U cijenu su uračunati svi troškovi Izvršioca usluge u realizaciji ovog Ugovora uključujući i troškove isporuke, prevoza i izlaska na teren.

### Član 5.

(1) Naručilac će plaćanje ugovorene usluge izvršiti najkasnije 30 dana od dana isporuke i izvršenja usluge i ispostavljanja računa, a na osnovu dokumenta kojim je potvrđeno izvršenje predmetne usluge.

(2) Izvršilac ispostavlja račun po isporuci i izvršenju usluge, sa navođenjem vrste pruženih usluga i zamjenjenim rezervnim dijelom i dostavlja ga na plaćanje, sa priloženim radnim nalogom, potpisanim od strane predstavnika Naručioca koji je izvršio prijem, čime potvrđuje da je usluga izvršena. Ugradnja treba da se obavi stručno, kvalitetno, u skladu sa dobrim poslovnim običajima, pravilima i standardima struke.

(3) Mjesto isporuke i izvršenja usluga je Bjelašnica.

(4) Ukoliko usluge nisu izvršene na ugovoren način, odnosno imaju vidljive mane, predstavnik Naručioca dužan je da odbije prijem usluga i odmah u pisanoj formi obavjesti Izvršioca, a u hitnim slučajevima usmeno i zahtjeva ponovno izvršenje usluga. Ako se nakom primopredaje pokaže neki nedostatak koji nije vidljiv. Naručilac je dužan da o tom nedostatku bez odlaganja obavjesti Izvršioca i može zahtijevati ponovno izvršenje usluga, najkasnije narednog dana od dana prijema reklamacije.

(5) Ukoliko Izvršilac ne bude na ugovoreni način i u ugovorenom roku izvršio sve ugovorene obaveze, dužan je Naručiocu platiti na ime ugovorene kazne penale od 1 ‰ (jedan promil) od ugovorene cijene usluga, za svaki dan prekoračenja roka izvršenja usluge, a najviše 5 % od ugovorenog iznosa. Obaveza plaćanja ugovorene kazne utvrđuje se prilikom konačnog obračuna.

(6) Ugovorni organ neće naplatiti ugovorenu kaznu kao ni aktiviranje bankovne garancije ukoliko je do kašnjenja došlo usljed više sile. Pod višom silom se podrazumjeva slučaj kada ispunjenje obaveze postane nemoguće zbog vanrednih vanjskih događaja na koje Izvršilac nije mogao uticati niti ih predvidjeti

(7) Plaćanje ugovorene kazne (penala) ne oslobađa Izvršioca od njegovih obaveza da pruži usluge, niti ga oslobađa od nekih drugih obaveza i odgovornosti po ovom Ugovoru.

## **V STUPANJE NA SNAGU I RJEŠAVANJE SPOROVA**

### **Član 6.**

Ovaj Ugovor stupa na snagu danom obostranog potpisivanja od strane ovlaštenih lica ugovornih strana, a primjenjuje se 6 (šest) mjeseci od dana stupanja na snagu, odnosno od utroška sredstava predviđenih članom 4. ovog Ugovora.

### **Član 7.**

Svaka ugovorna strana može pokrenuti postupak raskida Ugovora ako druga strana ne izvršava preuzete utvrđene obaveze, uz otkazni rok od 15 (petnaest) dana.

### **Član 8.**

Eventualno nastale sporove pri realizaciji ovog Ugovora, ugovorne strane će rješavati mirnim putem, u protivnom ugovara se nadležnost suda opće stvarne nadležnosti u Sarajevu.

## **VI OSTALE ODREDBE**

### **Član 9.**

Izvršilac nema pravo u svrhu izvršenja ovog Ugovora da zapošljava, fizičke ili pravne osobe koje su bile uključene u pripremu TD ili su bile u svojstvu članova Komisije za javne nabavke, najmanje 6 (šest) mjeseci po stupanju na snagu istog.

### **Član 10.**

Za sve što nije regulisano ovim Ugovorom primjenjivat će se odredbe pozitivnih propisa Zakona o obligacionim odnosima u Bosni i Hercegovini.

**Član 11.**

Punovažne i obavezujuće su samo one izmjene i dopune ovog Ugovora koje su ugovorne strane sačinile sporazumno i upisanoj formi.

**Član 12.**

Ovaj Ugovor je sačinjen u 6 (šest) istovjetna primjerka od kojih svaka ugovorna strana zadržava po 3 (tri) primjerka.

**Za Izvršioca**

**Za Naručioca**

---

Erol Sarvan, direktor Strucon  
d.o.o. Sarajevo

---

prof. Kenan Magoda, direktor KJP  
ZOI'84 OCS d.o.o.

Broj \_\_\_\_\_/19

Broj 2597/19

Datum: \_\_. \_\_. 2019. godine

Datum: 02.10.2019. godine

**OBRAZAC ZA CIJENU PONUDE**

Ponuđač: **Strucon d.o.o. Sarajevo**

Ponuda br. **32-06/2019** od **10.06.2019.** godine

**Tabela 1. Redovno održavanje**

Redbr.	Opis	Ukupan broj pregleda	Cijena usluge po pregledu bez PDV-a	Ukupna cijena usluge bez PDV-a
1	2	3	4	5=3x4
	Preventivno održavanje četverosjedne žičare 41219 SBF45 i šestosjedne žičare 41220 SBK6 Bjelašnica <sup>1</sup>			
1.	Šestomjesečni pregled četverosjedne žičare 41219 SBF4	1 pregled	17.930,00	17.930,00
2.	Godišnji pregled šestosjedne žičare 41220 SBK6 <i>ČETVEROSJEDNE ŽIČARE 41219 SBF4</i>	1 pregled	35.000,00	35.000,00
3.	Šestomjesečni pregled četverosjedne žičare 41219 SBF4 <i>ŠESTOSJEDNE ŽIČARE 41220 SBK6</i>	1 pregled	19.930,00	19.930,00
4.	Godišnji pregled šestosjedne žičare 41220 SBK6	1 pregled	70.000,00	70.000,00
5.	Ukupno bez PDV-a			<b>142.860,00</b>
6.	PDV			<b>24.286,20</b>
7.	Popust			-
8.	Ukupno sa popustom i PDV-om			<b>167.146,20</b>

**Tabela 2. Reaktivno održavanje**

Red br.	Opis usluga	Cijena bez PDV-a (norma sata)
1.	2.	3.
1.	Rad servisera	250,00
2.	Popust	-
3.	PDV	42,50
4.	UKUPNO sa popustom i PDV-om	292,50

**UKUPNA CIJENA**

**Tabela 1 + Tabela 2 = 167.438,70 KM sa popustom i PDV-om**

<sup>2</sup> Ponuditi cijenu redovnog preventivnog održavanja shodno tehničkoj specifikaciji koja se nalazi u prilogu ove TD

10



Garantni rok za izvršenu uslugu servisiranja iznosi 12 (dvanaest) mjeseci (minimum 12 mjeseci) od dana izvršenja usluge.

**Napomena:**

1. Imajući u vidu da je obim ovih usluga nemoguće predvidjeti ugovorni organ je unaprijed odredio vrijednost ugovora, a iskazane cijene i ukupna vrijednost ponude služi kao osnov za primjenu elemenata kriterija „najniža cijena“.
2. U cijenu redovnog (preventivnog) i reaktivnog održavanja trebaju biti uključeni svi troškovi pružaoca usluga - dolazak na mjesto kvara (transportni troškovi), eventualni troškovi smještaja, otklanjanje kvara, greški i smetnji. Ponuđene cijene će važiti u radne i neradne dane, dane vikenda i dane praznika.
3. Ponuđač je obavezan u ponudi da navede popust ako je isti odobren.
4. Cijene moraju biti izražene u KM. Za svaku stavku u ponudi mora se navesti cijena.
5. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.
6. Jedinična cijena stavke se ne smatra računskom greškom, odnosno ne može se ispravljati.
7. Uz obrazac za cijenu ponude dostaviti listu-aktuelni cjenovnik prema kojima će se ispostavljeni faktura u toku ugovornog perioda za sve rezervne dijelove koji bi mogli biti potrebni za servisiranje shodno listi aktivnosti, koja se nalazi u prilogu ove TD. Dostavljeni cjenovnik treba da sadrži jediničnu cijenu rezervnog dijela sa uračunatom uslugom ugradnje i jediničnu cijenu rez. dijela bez uračunate usluge ugradnje. Cjenovnik dostaviti u sklopu ponude u elektronskoj formi (CD-u ili drugom **elektronskom** mediju).
8. Pored ostalih dijelova potrebnih za vršenje predmetnih usluga na listu moraju biti rezervni dijelovi sa jediničnim cijenama koji se nalaze na tehničkoj specifikaciji koja je sastavni dio ove TD-e.
9. Ugovorni organ zadržava pravo dodatne narudžbe od strane Dobavljača ukoliko se prilikom reaktivnog servisiranja ukaže potreba za nabavkom rezervnog dijela a isti se ne nalazi na listi, koja je prethodno dostavljena od strane Izvršioca u sklopu ponude.
10. Naručilac zadržava pravo da za svoje potrebe vrši dodatnu narudžbu rezervnih dijelova od strane Izvršioca u skladu sa listom dostavljenom na CD-u bez obaveze korištenja usluge ugradnje.
11. U slučaju promjene cijene rezervnoga dijela u odnosu na dostavljenu cijenu na CD-u, ponuđač je dužan dostaviti potvrdu proizvođača o promjeni cijene. U suprotnom, ugovorni organ nije dužan platiti uvećanu cijenu, već cijenu koja je dostavljena na CD-u. Ugovorni organ zadržava pravo provjere cijena rezervnih dijelova na tržištu u momentu kada je nastala potreba za servisnom uslugom.
12. Ponuda mora da obuhvata sve usluge iz tehničke specifikacije.

Potpis ovlaštene osobe: \_\_\_\_\_

Mjesto i datum: Sarajevo, 10.06.2019

Pečat Ponuđača

